

Prome Minister Mike Eman: **Stichting Rancho ta ehempel di e papel cu union comunitario ta hunga den desaroyo di un pais**

ENTRE e diferente boluntarionan cu a bini hunto diasabra mainta pa e actividad comunitario di Pinta Bo Bario, tabata Clifford Rosa, president di Stichting Rancho. Desde su creacion, rapidamente e organisacion a asumi un papel hopi importante no solamente den e rescate y documentacion di e herencia historico y cultural, pero tambe den e formacion di e desaroyonan pa futuro den e bario. Prome Minister Mike Eman ta contento con Stichting Rancho ta duna ehempel di con union den un comunidad por traduci den forsa cu ta traha na bienestar di e mesun pueblo.

Minister President a conta con Sra. Rosa a cuminsa na haci un exposicion pa Museo, pero a bira asina encurasha, cu a traha pa e creacion di Stichting Rancho. "Su curason a wordo yena cu tur e storia y emocion y a dicidi cu ta bay pone e fundacion na un proposito mas grandi y desde e dia ey Sr. Rosa ta traha di dia y anochi pa mira con e reactivacion di Rancho por haya su reconocimiento y desaroyo." Fundacion Rancho ta un fundacion cu ta encarga su mes cu promove e aspectonan Social, Historico y Cultural di e bario di Rancho na Oranjestad, tambe cu cuida di piscamento y transporte maritimo pa e bario. E fundacion tin aspiracion pa un edificio unda por expone esaki y sigui amplia e museonan den un Museo Maritimo pa Aruba y Museo di Rancho.

Tanto cerca comerciantenan manera Kishor Karnani, kende ta invertiendo den ampliacion y mehoracion di su propiedad den J.G. Emanstraat, como e propio habitantenan di e area, e sinti di orguyo y e animo pa traha hunto ta creciendo den tur generacion y famia. "Nos ta hopi contento cu e trabou di Sr. Rosa tambe," asina Prome Minister Mike Eman a finalisa bisando. Prome Minister Mike Eman ta spera cu pa medio di e participacion activo di ciudadanonan den diferente iniciativa, manera Accion di Bario, Pinta bo Bario, Town Hall Meetings y tambe MFA, por nace mas organisacionnan manera Stichting Rancho.

